

I. N. J.

MOSES

Seu

DE IIS QVÆ IN MAGNO ILL
MERITO SUSPICIUNTUR,

DISSERTATIO GRADUALIS,
Sed Brevis,

Quam

Ex Consensu Ampliss. Ordinis Philos.
in celeberrima Academiâ Aboënsi,

SUB PRÆSIDIO,
Viri Amplissimi & Celeberrimi,

M. CHRISTIERNI
ALANDRI,

Eloq. Prof. Regii & Ordinarii,

Publico examini modeste submittit

ERICUS J. FROSTERUS,
Uhloënsis,

In Audit. Max. d. 19 Novembris,

M. DC. XGIV.

Impr. apud Jo. WALLIUM.

Reverendis, Clarissimis, Reverendis,

M. PETRO PORTINO,

ctori in Brahestad & Salå merito, olim Præceptor, nunc Fauri honorando.

G U S T A V O C A J A N O,

Pastori in Låhtå vigilantissimo.

DN. G A B R I E L I G R A A/

Consuli Civ. Uhloburgensis æqvissimo.

DN. J O H A N N I F O R B I S /

Sacellano Uhloënsi primario.

DN. E R I C O J. C A J A N O,

Sacellano in Paldamo.

Has qvalescunque cogitationes
& Fautoribus, in animi venera-
mo sicut par est reve-

Vestrorum

Consultiss. & Doctissimis VIRIS,
DN. M. JOHANNI LAIBE

Pastori in Pyhäjoki dignissimo, &
tori colendo.

DN. P E T R O R A L L J N
Pastori in Calajoki fidelissimo.

Dn. ERICO E. CAJANG
Pastori in Såtfamo laudatissimo.

DN. GUSTAVO LITHOVIO,
V. D. Ministro in Limingo primario.

DN. JOHANNI CAJANO,
Sacellano Uhloënsi.

subitaneas vobis Patronis
tionis pleni characterem, sum-
rentiæ studio offert

Nominum

cultor

E. F.


In VIRUM
sumum & ad sublimia ingeniatum,
M. ERICUM FROSTERUM
cum ad ungvem factum, postquam
uditam Disputationem, de MA-
GNO MOSE, Magisterialem,
edidisset,,

Mosi non unquam vila est in-
sidere musca
Ceu ja stat Majmon: vix ob-
strepit alter Apella.

Quanto ego FROSTERI sum ju-
dex æqvior autem
Nullam illo in maculam si dico
fuisse repertam?

*Q*uo effet animo, cum pluribus
non vacaret, prodidit
paucissimis

CHRISTIERN ALANDER
Prof: El:



הָר שָׁאֵר הַנְּגָדָל Psal. 61. 14

Rgumentum præsens tradituro mihi de summo Principe in Israel Mose, non existimet Benevolus Lector esse animum in hac angustia temporis prolixum aliquod opus conscribere. Etenim sicut ipsa temporis brevitas rerum brevitatem maximè postular, ita nec necessarium duco, longè lateque per diversorum in orbe literato scriptorum monumenta ire. Igitur de Nibili hac materia pauca nunc chartæ committam, quæ si nequeam expeditre debita dexteritate, illud temporis brevitati aliorumq; studiorum curis precor condones. Adeo tuam cordate Lector mitiorem mihi promitto censuram.

§. I.

Nativitas Mosis incidisse traditur in Annum Mundi 2372 a qvibusdam Chronologis, qvamvis huic calculo unum addant vel detrahant annum non nulli, qvi de his rebus copiosissime scribunt: videantur Calvisius in Chronologia, Vossius, Chytræus & alii. Quo autem mense & die contigerit hæc nativitas Mosis, altioris est indaginis, nec a qvoqvā id exactè posse definiri existim. Rabbinis placet dies quartus, seu septimus mensis duodecimi, apud Hebræos Adar dicti, qvi nostro Februario respondet. Vide Joh. Hen Otton. Lex: Rabbinicum p. 386. Sed cum hæc sententia meritis nitatur Hebræorum conjecturis, facile rejicitur cum nullo substructa sit fundamento, nec solidi qvidqvam præ se ferat. Curiose nimis qværunt sapientes Hebræorū qvotus a conceptione fuerit mēsis & dies nativitatis? Septimum fuisse nonnulli existimant, hoc ducti præser- tim ratiocinio: qvod a Parentibus per tres continuos menses absconditus ab

ex-

3

exploratorum turba securus fuerit Post
trimestre vero præterlapsum non ausi
sint occultare Mosen, qvia pèr singulas
domos inquisitionem metuerint rigidi-
orem (qvæ decimo qvolibet mense per-
agebatur juxta eorum assertionem)
unde nec infanstutus amplius latere po-
tuerit. Porro ex genethliaco themate
Ægyptiis innotuisse nugantur nativita-
tem ipsam, & decimum fuisse in ordi-
ne mensem, quo inquisitio facta est; ex
qvibus concludunt Mosen communem
vidisse auram septimo mense à conce-
ptione. Sed qvam vana hæc sint ac
frivola, omnibus constare existimo, qvi
vel minimum hæcce considerant. Æ-
gyptii enim non scire potuerunt tempus
conceptionis, imo nec nativitatis, qvæ
absqve dubio in occulto accidit. Si e-
nim hæc perspecta ipsis fuisset, facile
causa ad Magistratum delatâ parentes
meritas dedissent pœnas facti lui, & ea
ratione totam suam familiam in exiti-
um conjectissent. Sed tale quid Textus

sacer non admittit. Sane in sua sententia errasse Hebræorum Magistros dicendum est, qvos etiam hoc in casu excusat Doctissimus Aben Efraim qui contrarium quoque demonstrat. Vide Varen. Disput. in Decad. Mosaicas. Sed supponamus Magos Ægyptiorum & sapientes cognovisse tempus partus, hinc tamen accurate non potuissent certo constituere tempus conceptionis, cum valde sit difficile certum præscribere tempus partus humani, qui multiplex esse solet & de hac re magna adhuc dum sit disquisitio apud Doctores Medicinæ. Hæc ulterius non tangimus, sed hujus Scholæ Præceptorum censuræ commitimus, qui forte largientur partus septimestres minus esse perfectos, & vividos. Hinc videtur hanc iplorum assertionem non quadrare in ipsum Mosen, qui elegans dicitur fuisse, Exod. 2.v.2. **כִּי טוֹב חַנְצָה** confer. Gen: 6. v. 2. Gen: 24, v. 16. in quibus locis phrasis illa de elegantia & pulchritudine corporis usurpatur. Qvamvis nec abso-lutè

lute negandum sit, specialia qvædam
dari exempla septimo mense natorum,
cum justa corporis proportione & per-
fectione, sed ea sunt singularia, ad qvæ
hoc in loco non est recurrendum, cum
nulla svadere] videatur ratio. Hoc
tantum nunc dicimus, qvod certum a-
liqvod tempus præscribi non possit na-
tivitati Mosis, i nec inquirere audacius
in hanc rem volumus, nam qvæ Magi-
ster maximus nescire nos voluit, cum
erudita inscitia ignoramus.

§. II.

Parentes habuit Moses honoratissi-
mos, pietate & virtute insignes. Pa-
ter nominatur עַמְרָם Amram qvod
nomen proprium veteres scripserunt
per Ambram, Græci Αμράν & Αμβράν.
Epiphanium tradunt confudisse hoc
nomen cum Abram, licet Amram & A-
bram diversissimis scribantur literis ini-
tialibus, prius habet י posterius נ.
Exod. 2. v. 1. dicitur fuisse לֵוִי
אִישׁ מִבֵּית לְוִי Vir insignis de domo Levi, qvia fuit
ori.

oriundus ex prosapia Levi & qvidem
Nepos ejus, pronepos Jacobi Patriar-
chæ. Exod: 6, v. 16, 17. Origo hujus
vocis est Hebræa & ratione etymolo-
giæ *populum excelsum importat*, juxta
Celeberrimum Leusdenium in Onoma-
stico Sacro. Qvod qvam apposite con-
veniat Mosi clarum est, qvippe hic am-
plissimus fuit in familia Levitica, imo
tantus extitit heros, ut ipsum DEUS ex
communi mortalium conditione exi-
mere voluerit, pro ut loquitur Doctiss.
Cunæus in lib. 2: cap. 5 de Repub: He-
bræorum. Hinc videmus solenne fu-
isse Hebræis nomina cum deliberatio-
ne filiis imponere, eaque aptare quæ
futurorum essent ipso etymo vaticini-
um, qvæqve ipsorum majorum memo-
riam excitarent, dum fortunata sive in-
felicia referrent, uti loquitur Emanuel
de Naxera in Antiq. Dieterici. Matri
nomen fuit Iochebed, Hebraice
Exod. 2. v. 6. vocatur לַיִלְלָה filia Levi, juxta
nonnullos filia Levitæ cujusdam, h.e. stir-
pis suæ. Cap. 6. v. 20. dicitur לְדָבָר amita

Am.

7

Amram, & ita vox hæc in locis illis
scripturæ explicatur, in qvibus aliquoties
occurrit. Conferatur Num: 26. v. 59. ex
qvo loco evincere conantur Jochebed
fuisse filiam ipsius Levi. Versio Græca
per θυγατέρα τῆς ἀδελφῆς τῆς πατρὸς αὐτῆς
exponit. Targ. בַת אֶחָת אֲבֹוֹת filia so-
roris Patris sui. Plures stant pro ea
fententia, qvod Jochebed fuerit amita
Amram & filia Levi, illud etiam versio
Chaldaica per אֶחָות אֲבֹוֹת fororem
Patris sui exprimit. Quid vero de
Conjugio hoc sentiendum sit, de ea re
videri poslunt Theologorum & alio-
rum judicia, qvorū quidam dispensatio-
nem hic agnoscunt divinam, prout in
Polygamia Patriarcharum. vide de his
Celeberrimi Theol. & Episcop. D. Ben-
zelii Disputationes in vitas Patriarcha-
rum. Qvamqvm etiam insignis The-
ologus A. Osiander eam hic præferat
opinionem, qvā Jochebed statuitur fu-
isse cognata solummodo Amram, non
amita. vide Commentarium ipsius ad
Exod. 6. v. 20.

Graffante Tyrannide Pharaonis, clan-
culum asservatus fuit Moses uti an-
tea diximus, sed cum inevitabile vide-
rent fore Parentes ut diutius domicu-
stodiretur, nisi in præsentissimum se
conjicere vellent periculum, exponen-
dum omnino censuerunt. Qvem in-
ter lachrymas & suspiria alveo com-
missum, in arca quadam ad oram flu-
minis collocarunt, ne rapiditate aquæ
abriperetur. Interea dum hæc ageren-
tur accidit, ut Filia Pharaonis qvam
Josephus & alii Thermutin vocant de-
scenderet e Regio suo Palatio lotionis
gratia ad flumen Nilum, qvam expiato-
riam qvidam volunt, in sacris gentili-
lium usurpatam. Vide Gejerum de
Luætu Hebræor. Cap. 21. qvi ex hoc
exemplo & aliis ostendit mulieres Ori-
entalium non fuisse contentas particu-
lari membrorum qvorundam lotione,
sed totum corpus fere quotidie mun-
ditiei causa lavare consueisse. Hæc
inqvam Pharaonis filia Mosen ex aquis
extra-

extractum matri suæ Iochebed lactat⁹dum tradidit. De his plura non addimus, cum clariora sint ex ipsis Bibliis. Rabbini cubitum filiæ hujus in manus emissione excreuisse tradunt, qvæ nugamenta amissa nunc facimus. Postqvam jam accrevisset Moses adductus est ad Aulam Pharaonis ubi in filium adoptavit ipsum Filia Regis. Qværitur non immerito, qvomodo id fieri potuerit consensu Regis, qvi intensissimus Hebræorum erat hostis? Josephus singularē venustatem infantis in cauſa fuisse affirmat. Clemens Alexandrinus ex necessitate quadam ob defectum successoris Regni, vel prolis illud contigisse putat. Sed qvicqvid sit, providentia hic Dei singularis agnoscenda est. Vide Celeber. Theologos nostri Seculi & in eorum numero M. Calovium & Osiandrum qvi hic consulendi sunt.

§. IV.

De notatione nominis pauca adducimus, non qvæsi nostrarum sit virium

inter Doctiss. viros dirimere litem, cum in hoc negotio non vulgariter de origine vocis contendant. In primis hoc certum est, qvod circumcisio pueropii parentes aliud aliquod imposuerint nomen, cum hoc nomen Moses non potuerit esse in circumcisione illi datum, uti quidam voluerunt: Non enim parentibus constare potuit dum circumcideretur, qvod ex aquis servandus foret, nisi ad revelationem recurrere volueris. Qvodnam vero fuerit nomen illud proprium in domo materna, tacet Scriptura. Veteres Hebræi decem fuisse nomina tradunt & hæc seqventia: חָבֵר chaber, Patris Amrami auctoritate ipsi datum, יְקֻתִּיאֵל Iekuthiel, Matris, וֶתֶר Sororis, Abi Zanuach fratriis Aharonis, אֲבִי סֹכוֹ Abi Socho, Kahati, שְׁמַעְיָה Schemaja, Israelis, נָזְנָאֵל filium Nathanaelis, טֹבוּיָה Tobia, Scriba. De his vide. A: Myller. Gloss. Sacrum. Abægyptiis vocatus fuit מְגַנּוֹס Monios secundus.

cundum Aben Esram. In textū sa-
cro יְהוָה se ipsum appellat. An vox
hæc sit origine Hebræa vel Ægyptiaca,
nunc videndum est. And. Myllerus
Mosis nomen vere Ægyptiacum esse
statuit, & adducit qvasdam rationes
qvibus illud adstruere conatur. Præ-
cipua est hæc: qvod Pharaonis filia, cum
Ægyptia esset, Ægyptiacè quoque lo-
cuta est, non Hebraicè. Sed aliud o-
stendit Celeber. Pfeiffer in Dub. vexa-
tis, hoc nomen non accepisse Mosen
à Filia, sed potius, à matre propria,
idqve ex connexione textus elicit, ubi
מֵשֶׁה וַתִּקְרֹא per plusquam per-
fectum reddit, hoc modo: & vocaverat
nomen ejus Mose, scilicet mater ejus.
v. Dub. Vex. p 214 à radice יְהוָה He-
breæ deducunt plurimi Theologi & Phi-
lologi. Nec absurdum omnino esse o-
stendit Osiander, filiam hanc didicisse
lingvam Hebræam, si evictum esset ab
ipsa factam esse impositionem nominis.
Dietericus in Antiquitatibus Biblicis, sta-
tuit

tuit hujus vocis significationem posse referri ad lingvam Hebræam & Ægyptiacam, vide p. 238. Sic existimat Aben. Esra. *Forsan didicit filia Pharaonis lingvam nostram aut quæsivit de illa.* Hinc perspicuum est, qvid de Caballistarum curiositate sit judicandum qvi ~~תִּשְׁמָךְ~~ per anastrophen idem esse dicunt ac ~~שַׁמְנָה~~ ipsum nomen potens, celebre ac magnum.

§ V.

De sapientia Mosis nonnulla dicenda sunt, qvæ ab ipso spiritu DEI commendatur Actorum 7 v. 22. καὶ επαιδεύτη Μωϋς πάσῃ σοφίᾳ Αἰγυπτίων. Hoc factum no sine singulari DEI providentia accipiendo esse ostendit Dietericus in Antiquit: cuius hic adscribam verba: *ibi DEUS excitavit Mosen literis instructum, ut propriis eorum libris eorum superstitiones oppugnaret.* Nec dicendum est Mosen eruditum fuisse in Magia illa Ægyptiorum; qvod qvidam veriti non sunt affirmare. Potiori jure verba ipsa sunt accipienda de literis Ægyptiorum,

&

& de exercitiis vel disciplinis liberalibus, qvæ cum ipsa pietate non pugnant. Cujusmodi vero fuerit sapientia illa, lumen disqvirere: nonnulli tradunt fuisse Geometriam, Astrologiam & reliqvas disciplinas Philosophicas, dicuntur qvippe Ægyptii primi invenisse Geodesiam, qvia ad distingvendos agrorum terminos, inundatione qvotannis confusos eam excolere primum ipsis necessarium fuerit. Insignis alias fuit Ægyptus doctrina Hieroglyphica, qvæ ipsos agnoscit auctores. Hæc & plura alia fuisse traduntur qvæ salva honestate Mofes addiscere potuit. Ex his tamen non inferendum est, Mosen Magiæ quoque vocasse, cum alienum illud fuisse ab ingenio ipsius qvivis intelligat & rectius à piis parentibus edoctum omnino fuisse non dubitemus. Tam noxiū itaque & detestandum facinus Mosi non est affingendum. Qva in re turpiter hallucinatur Plinius, qvi non dubitat asserere Mosen fuisse Magum. Eodem mendacio Berosum delectatum fuisse acce-

accepimus, qvanquam à rennullis sup-
posititia habeantur Scripta ipsius. Imo
plures ex veteribus Mosen ex ordine
Astrologorum rejecerunt & divinato-
rem fuisse finxerunt, similem Magis
Pérsarum, Chaldæorum & Ægyptiorum.
Aliud demonstrat Doctiss. Dietericus in
Antiq. & multo laudabilius sensisse sa-
cerdotes Ægyptios de Mose a qvibus
Diodorus Siculus intellexisse se scribit,
omnium Legislatorum primum fuisse
ἀνδεικη τῇ ψυχῇ μέραν, καὶ τῷ βίῳ οὐκε-
νώμετον. Vide Antiq: Diet. ad Gen. 41.v.8.
Apud prophanos innotuisse commemo-
rant, antiquitatum Scriptores, Mosen
sub nomine Bacchi, qvia omnia ea quæ
de Baccho libero Patre prodita sunt
convenire videntur cum ipso Mose.
Bacchus dictus fuit ὑδοχεὺς, Βιμήτωρ,
plura alia attributa videri possunt a-
pud Osiandrum in Exod. Dieter.
in Antiq. p. 752, Ursipum in Ana-
lectis Sacris, Vossium de progressu
Idololatriæ.

§. VI.

Circa tractationem argumenti nostri non injucunda visa est qvæstio, an Moses fuerit primus literatrum inventor & Antiquissimus Scriptor? Adfirmant qvidam utrumqve hoc duci ratiocinio, qvod nullum extet scriptum antiquius. Sed hoc argumento illud non obtinent hujus sententiæ Patrōni, ea quidem ratione est Moses antiquissimus Scriptor, non absolute, sed inter eos qui extant inquit Celeber: Pteiff. in Dub. Vexat. Num. 21. v. 15. Dispiciendum nobis est, num prima literarum & descriptionis origo Adamo vel Mosi sit adscribenda? Qui Mosi hunc honorem deferunt, existimant Deum, cum vellet doctrinam cœlestem scripto ad posteritatem transmittere, nobilissimam hanc artem Mosi inspirasse. Suam opinionem stabilire ac fulcire conantur tali argumento: Si literæ ante tempora Mosis in usu fuissent, absqve dubio Moses auctoris tam celebris in scriptis suis fecisset mentionem, memorat enim

enim rerum aliarum inventores, qvæ longissimè infra laudes literarum habendæ sunt, Qvodcum non fecerit Moses, hinc concludunt primam literarum inventionem Mosi originem debere. Sed decantatum est illud, ante Mosis tempora usum literarum viguisse, nec ex hac argumentatione id seqvitur, qvod ipsi intendunt. Multæ sanè sunt rationes qvæ aliud svadent, & videri possunt, apud Pfeifferum in Dub. Vex: & alios. Sane Adamum inter plurimas easq; cœlestes animi dotes etiam literas edocētum fuisse consentaneum videtur esse veritati, & licet concedendum esset ipsum initio creationis suæ immediate a DEO non accepisse literarum notitiam, tamen ad earum inventionem tandem devenisse censendus est, cum ultra novem secula vixerit. Quanqvam in his cuivis suo sensu abundare liceat, interim tamen dicimus eam nobis videri convenientiorem opinionem, qvæ literas a Mose non fuisse inventas statuit, sed ante ipsius tempora jam extitisse in orbe.

be existimat. Reliqua qvæ dicenda
hic essent tempus nimis angustum non
permittit adponere, verbo dixisse suffi-
ciat. Socer Mosis sacerdos fuit in Midian
ex judicio Doctissimorum virorum, quod
etiam vox יתנְא innuere videtur. Aeta-
tem ad annos 120 produxit. Ex hoc nu-
mero 40 in Aula Ægyptiaca, totidem
in exilio Midianitico transegit. Tandem
abolutâ ætate jussu Dei montem Pisga
ascendit, ibique ipsius Dei cura sepul-
tus commemoratur. Josephus in Antiq.
hunc ascensum peractum tradit inter
communes castrorum planctus & in illa
processione funerali sequtam Mo-
sen fuisse universam mul-
titudinem.

SOLI DEO GLORIA.

